

道法會元卷之七十六

自一

汪大師雷霆奧旨序

道者具乎天地之先混混沌沌無形無名
 法者出乎天地之後亘古今而神通變化
 人者生乎天地之間稟天一之炁而為萬
 物之靈故以吾言之清明澄徹者運而行
 之則足以通天地感鬼神調陰陽贊化育
 等上語之即丹成道備朝崑崙薄蓬萊亦
 不難矣蓋天地一身一身天地也其大丹
 法本不外乎此失不治其本而欲理其末
 者末之有也去聖逾遠談道者多曲學旁
 門亂真者衆後之學者無所參究非緣後
 生福淺亦由恩情愛慾一念纏著心境不
 清是非之膠擾亦不知千經萬論以求道
 要安在則其去道愈遠矣或有苦心學行
 持而不見功者非道負人皆奉道之士不
 從明師而所受非法或依法行持而不見
 功者皆奉道之士不遵戒律而學法不驗
 有志於此者苟能清心寡慾以明道要以
 悟玄機猶當廣求師資勤行修鍊依法行

持何憲法之不驗哉故天壇玉格云不行
 修鍊將不附身不漱華池形還滅壞火師
 又曰凡受五雷大法非上品仙官之職不
 能悟此玄機內則修鍊自己還丹故外則
 試邪治病至人所述非可誣也是知非學
 法之為難而澄心修鍊之為難而得過道
 之尤難也余以夙幸得奉沖科徧參諸方
 未盡其要迂道過羅浮訪道於祖師翠虛
 真人袖中出示此篇可將雲房急寫明日
 送來念汝一生希道之心誠慕道之志切
 余遂寫畢歸此於祖師之前勤而誦誦乃
 至汪真君以七十二句顯述於其前朱先
 生以萬言發明於其後凝神默想超悟玄
 微正所謂蕉花春風之機梧桐秋雨之妙
 碧潭夜月青山暮雲微妙深玄燦然明白
 惟二宗師以方便心流傳後學以慈憫心
 救度羣品使後學之士得而翫之自有悟
 入如雲開月皎塵淨鑑明包諸幻而歸真
 總萬法而歸一三元循於內而神自朝元
 依此而行精思不怠乘白雲而歸故里端

從此始矣上清大洞寶錄南嶽先生赤帝
 真人五雷副使知北極驅邪院事海瓊白
 玉塘序

大師汪真君雷霆奧旨

沖虛通妙先生王文卿

上清三景法師朱執中

昔日棄儒學莊老坐斷祝融九春草

真君姓汪諱子華字時美於唐玄宗開元

二年甲寅歲降生於蔡州汝陽縣七歲能
 誦詩書九歲通諸經大義十三歲知天文
 地理之學無不貫通自謂取功名如拾芥
 迨至年登四十累入選場三舉不第遂嘆
 曰年逾強仕不登仕版何面目見知識朋
 友乎於是棄儒筆硯學老莊之道求長生
 之術不求仕進於世間而純念希仙於
 帝鄉矣遂與顏真卿同師白雲先生張約
 再師赤城司馬先生承授受清靜之道遇
 祿山之亂棄家雲遊參訪道要於諸方路

後傳

惟註

經南嶽見峰巒拔遂深入祝融峰下結庵脩道九年不下山勤苦精脩栖神遐遠矣顏真卿後亦得道為盧杞所陷奉使淮西為李希烈所縶遂棄葬於蔡州事定後其子孫尋其墓遷葬焉見真卿之屍如生人皆以為尸解云真君得道飛升之後亦接引顏真卿居雷部亦真君之力云

忽朝一日遇元君授我清虛无上道

真君於祝融峰結庵脩道已歷九年於寶應元年壬寅七月中元紫虛元君幸南嶽

○考校生死見真君勤苦精脩下降其庵授以道要是時真君四十九歲內經云至道渺真人不易知大法混合人難造域是以聖人將奧妙藏於經典引物寓言無非欲度其迷蓋道者法之體法者道之用體用兼全二者同一致令行之者於晝夜則視之於虛無於存想則視之為妄幻故符水之效或遲或速而鬼神之神狀半隱半顯與古人驅役鬼神呼召雷雨者豈可同日而語哉抑傳之不妙乎抑修之不至乎抑信

之不篤乎正一真人有云人能六根清淨方寸澄徹久而行之可以坐役鬼神呼召風雨只將此語細而味之何符水之不靈何鬼神之不顯今學法之士不本乎道不祖乎心而以階銜法職為美觀又以階階

法書為多覽譬如萬弩射一鵠也行法之士貴乎凝神今者美觀多覽為炫耀則神悉散矣曾不若未行法者靈驗之速哉况又東叅西究不能無疑朝作暮輟豈能常應今但專佩一錄專受一職專行一法專判一司行移文牒專一呪一符無往而不○一所以云得一可以畢萬何患行法之不如古人若能如是非惟行法已是契手大道矣

脩持再歷四七春六賊三尸如電掃身輕體健錄毛生至此絕無饑渴惱

先聖仰觀天文俯察地理近取諸身遠取諸物立為大道以長生不死之意以淑人心其實道之與法貫通一理其始也在手陰陽五行其終也歸乎無極後宗師再立

一說各執一見所以衆楚不可以齊要在吾所遇所傳如何耳聖人故曰採之藥物鍊以火候結以成丹超凡入聖所以取之內象之外而不求於外所以無物無象者也謂之先天一炁混元之精則是大而不可知之之謂神之意也其體或聚或散如輕烟薄霧然也其象或有或無如夢想泡影者也天地與我同根萬物與我同體往來今古本無成壞第以生死流轉情識起滅如浮雲之點太清如黑雲之蕩大海聖人憫世澆漓詔人脩鍊使從無入有謂之成以有歸無謂之了其運用之要有動之動出於不動有為之為出於無為不過鍊精成炁鍊炁成神鍊神合道而已若有作用似無作用歸於靜定如龍養珠如雞抱卵可以無心得不用有心求可以用心守不可有心為真君得此道要再修持二十八年丹成道備陰陽升降水火既濟三尸六賊俱屏跡遠遁身體皆生綠毛而四大輕捷服元炁而腹不飢嚙真液而口不渴

也

貞元五年月建寅玉皇有敕賜飛昇瑤池沐浴錫宴罷位證大師居雷霆

真君年七十有七丹成道備於貞元五年己巳歲正月七日奉

玉帝詔賜真君飛昇於祝融峰下世人但見祥雲瑞霧彌滿山谷可遠望而不可親南嶽諸山異香芬馥七日不散人皆見此異香真景不可誣真君之上昇也瑤池沐浴既罷蒙上帝賜以位號雷霆大師之稱

夫火者太陽為真火居雷霆為陽火居六丁為陰火在世間者只此三火人身亦有三火焉曰君火曰相火曰民火夫民火上升取腎火而生真水腎水上升交心液而生真炁心火既旺百脉流通小則降魔除病大則鍊質燒丹用周天則火起焚身勸陽關則還元鍊藥別九州之勢以養陽神燒三尸之累以除陰鬼上行一撞三關下行則消磨七魄鍊精成炁而輕舉如飛鍊炁成神而脫胎如蛻皆此火之功也真君

得此捷徑居於大部宜哉

當時元君真的訣但恨後世無人傳故料內旨顯真與往往未免泄真玄

真君以方便心流傳後學以慈憫心救護羣品故將當時元君所傳妙道靈文作此

歌訣顯諸奧妙開陳道要諄諄教誨夫大道至法遇人不傳則失天寶非人而傳則泄天寶天涯海角尋編無人不察輕泄恐受天譴深慮至道無傳大法湮沒故作玄機與旨益將曉斯世而詔後學者也

玄機再泄真的訣庶免後學生疑心

正陽先生云四大一身皆屬陰不知何處生陽精但可就身中求特尋身中一點陽精可也然此陽精在乎身中一竅之內人不可得而猜度也內經云天谷元精守之自真言人上有天谷泥丸藏神之府也天谷元宮乃元神之室靈性所存是神之要聖人測天地之要知變化之源神守玄宮炁騰牝府神交炁感自然成真故曰谷神不死是謂玄牝非心非腎非口非鼻非脾

非胃非穀道非膀胱非丹田非泥丸黃庭

經云前有生門後有容戶蓋嬰兒未生之先便有胞帶兒處母腹中取炁於帶故母呼亦呼母吸亦吸飲食滋味自此而入正與容戶相對所謂玄牝者世人不窮其根

不究其源便以鼻為玄以口為牝以口鼻為玄牝玄牝之門又何以名之譬如鐵匠家之爐竈玄宮者即爐竈中招風碎毛之上竅也牝府者即爐竈中鐵槌抽動招風之下竅也以此觀之便覺分曉世人不識

根蒂但尋枝摘葉迷惑後人致使道法愈疑愈降異端並起大失先師之本意也故真君諄諄教誨今後人心開悟解不生疑惑而先天一竅之玄機盡漏泄矣

清心靜坐致無為先擦腎脬至華池次擦湧泉降心火堯播丹田左右移

以法入道故不難以道求仙亦甚易故不難者學道之人學道不正亦甚易者求法不真昔人隱形易貌留形返魂呪曰夕禁毒出釘丁自落履火不焦使水逆行回風

倒雨結巾投地而倒走盤帶綴針而地行
瓜果結實於須臾龍魚遨遊於頃刻若此
者皆術數也非法也故人以冬至陽生之
時居靜室之中盤足正坐閉目垂簾冥心
定息住炁舌挂上腭先背手擦腰眼即腎
俞十計數目以降心火神水升則口內津
液湧溢甘香心火降則一身俱暖兩足如
湯却以左手兜外腎鼻吸清炁送心火下
丹田復以左手摩擦臍輪下八十一遍左
右各換手摩擦三遍乃想臍下如火輪炎
炎自覺丹田火熾真炁充盈顏色異常形
體堅固久而行之內可消百病外可淨效
魔此因術識法因法知道前賢皆云水升
火降不肯明言其詳而世人亦不知要路
水從何升火從何降肯修瞎練道法何由
而成須是藉此以升降方為有準此亦旁
門術度使後學知水火之道路若久久行
之自然純熟靜坐存想不待摩擦而水火
自然升降猶蹄者所以求兔得兔而忘蹄
筌者所以在求魚得魚而忘筌此之謂也

目想心存念真呪手握雷局無今遲變神召
將一如故虛書符命下丹基

古人目擊道存未語先會蓋在我已純全
璞玉惟求巧佳之定價若泛泛無統茫無
所據朝參黃暮參李今年學道明年學法
今日勤明日怠若如是以尋真政所謂自
假不除更求他真也以信之一字為入道
之階勤之一字為入道之本以無之一字
應物以有之一字凝神夫人之精神會心
聚於目人之行持先須想將吏服色心一
存想則神合已身次掐訣念呪將吏無不
降矣變神之法先飛斗一座蓋身次掐變
神訣存已身變成枯木吸東方青炁一口
吹於身上又吸南方火炁三口混合於丹
田左右手握雷局摩腹三匝左轉存丹田
真火腎水心火自五臟而轉以雷局引出
額上次以左手剔離文呵炁發火徧燒為
灰爐又掐已巽起巽風自東南來吹蕩灰
爐中有一點火光漸漸大如圓鏡見自己
一靈真法在鏡光中吸金光炁一口吹身

上漸漸長大出四獸圍繞却變神念呪
五雷神將化千真吾令弟子合真形太上金
口相傳授教吾身外更生身

雙手飛陰陽斗向額上飛出蓋身又存想
一符使從天門金光中捧一金牌上有金
書七字(☉)(☽)(☿)(♃)(♄)(♅)(♆)毫光萬丈
以左手金牌訣捧上自己額前念精澆離
火救呪存金光中有一人首蛇身自天
而下直入已身纏繞身體說存我身即是
天皇大帝却召使者念斬勘雷公呪玉清
命今呪剔訣再念五雷使者號雷公呪
五星光芒照下垂照徹五臟如琉璃
五辰行事訣云太乙真人招五辰洞照法
先存五星在天五方如車輪光芒下照北
身却見北方水星降黑光入帝鄉玄宮在
一腑中直入南方火星降赤金光炁入玉
華房在髮際一西方金星降白光炁入玉
瑤紫闕在左目後東方木星降青光炁入淵
湖珠臺在右耳後中央土星降黃金光炁入金
室長谷在鼻下人中並訖叩齒三通嚙津三口

念高元紫闕呪畢見星光自各宮直入
 吸炁嚙津送下五臟內見五臟五色光炁
 上衝與星光交射透明如五色琉璃之狀
 念五星開通呪赤鴉呪念畢剔斗一座直
 衝開巽門存雷令使者自巽宮而出急吸
 入心中再念三段呪畢再送光吸入心中
 存雷令使者歸丹田合腎炁運起吹出香
 烟上化成小欵火相手執五方旗分明如
 對再念天清地寧呪畢祝白事意若混鍊
 則以舌挂上膠虛書使者符如法作用訖
 猛吸清炁一口和津液送下丹田却念太
 上符命降付黃庭呪存使者直下丹田而
 入五臟中却念主副二帥樞機二臺總呪
 全收炁炁在腹內右取結璘左鬱儀
 月月常加戌時時見破軍天罡前一位誓
 願不傳人假如五月五日午時月建在午
 以戌加午上順行數至寅上見午見天罡
 坐鬼戶却取中宮炁故玉樞經云雷城十二
 門並隨天罡之所指罡指丑其身未
 所指者吉所在者凶是也今取申宮炁者

取其炁炁也凡取罡炁則存想天罡三頭
 九目目出九色光炁左手握斗訣右手握
 劍劍上火炁身著白鴈花袍風帶蹀足存
 見分明念天帝釋帝呪以鼻引口吸天目
 中光炁密念天罡炁吸攝炁吸天罡
 攝合明天帝日呪畢出炁以本方本時
 炁出之次取太陽炁念日魂呪畢存見太
 陽圓形方景紫光九芒下降至左目右轉
 九匝以鼻吸之次取太陰炁念月魄呪畢
 存見太陰方形圓景白光十芒垂降於右
 目左轉十匝以鼻吸之俱以本宮本炁本
 字出之夫天罡二曜者且如望後而吸炁
 自謂曲盡其妙譬如人之分燈覓火須藉
 以薪燭今且直面吸之可乎況三明明麗天
 之而不相類求日有鬱儀二十四字以致
 洞明黃景月有結璘二十四字以招石景
 飛根取罡炁以炁炁炁炁炁炁炁用
 七字召之斗光引類太虛正猶方諸陽燧
 之取水火也能知是道則可以坐致明霞
 於沖炁之內又何必拘曆筭置度分之慮

於渺邈乎
 東方青華如翠芝左有魔蔣應春時
 東方青華木也其色青其應春其藏肝居
 于左脇內有魔明神蔣剛輪乃東方樞機
 二將也念東方雷神呪以召之見二將自
 肝中乘青炁而上雷城點兵訖上入神霄
 府面朝真王畢直下黃庭混合默念唵
 唵嚙嚙嚙嚙嚙
 南方赤炁生於離上運烈壁居丹墀
 南方赤炁火也其色赤其應夏其藏心居
 於上內有烈然神壁機先乃南方樞機二
 將也念南方雷神呪以召之存二帥自心
 中乘赤炁而上雷城點兵訖上入神霄府
 面朝真王畢直下黃庭混合默念唵
 唵嚙嚙嚙嚙嚙
 西方白炁如凝脂右生赫華當秋期
 西方白炁金也其色白其應秋其藏肺居
 于右脇內有赫猛神華文通乃西方樞機
 二將也念西方雷神呪以召之存二帥自
 肺中乘白雲而上雷城點兵訖上入神霄

府面朝真王畢直下黃庭混合默念

○呪○懺○安○誦

北方黑炁如雲翳下有焜電入泉池

北方黑炁水也其色黑其應冬其藏腎居於下內有焜電神雷歷乃北方樞機二將

也念北方雷神呪以召之存二帥自腎中

乘黑雲而上雷城點兵訖上入神霄府面

朝真王畢直下黃庭混合默念

○呪○懺○安○誦

中運黃雲戴惡陳五雲混合降黃庭

中央黃炁土也其色黃其應四季其藏脾

居于中內有惡轟神陳石乃中央樞機二

將也念中央雷神呪以召之存二將自脾

中乘黃雲而上雷城點兵訖上入神霄府

面朝真王畢直下黃庭混合默念

○呪○懺○安○誦

陽日當尅陰當生各分日辰念青中

且如甲子屬陽納音金尅木用西方將

先入東木尅土東方將入中央土尅水中

央將入北方水尅火北方將入南方火尅

金南方將入西方尅將準此為例且如乙

丑日納音屬金金生水西方將先入北方

水生木北方將入東方木生火東方將入

南方火生土南方將入中央土生金中央

將入西方生將準此為例却混合念青帝

之中呪至土星為極呪畢存五星光照陰

陽雷神俱入心中點視

五雲變變如屯兵點兵集將入雷城

入道以調心為要以精思為妙調心是把

捉精思是存想把捉者或念頭一起急當

調伏精思者存我之神想我之身有物可

以存謂之真想無物以強存謂之妄想疑

一神而萬神俱凝聚一炁而萬炁俱聚真

妄本空逆順俱寂三際圓通一靈晃耀此

乃把捉調心之要也一念動則萬念悉起

一竅開則九竅俱開此無他以神馭炁之

道也念起念滅皆從此心今者雷城不過

在心中召集雷神了畢皆入心中點視訖

則五方將吏各乘雲變變如屯兵馬

上入神霄朝帝君復以都大混其形

神霄府乃真王所治在于東南之位其卿

師使相贊輔玄化雷霆玉經言之詳矣在

人身言之其府在于心肝之間乃膽宮是

也膽有翠阿丹井之名又曰醴泉玉池中

藏其精三合所以膽附肝者肝屬木乃青

龍也非此水養之何以能生龍性多怒怒

則摧山破石肝主怒故也堪笑今人打龍

潭者不能攪動自家龍潭外間如何得應

雖上帝命亦不得動之也凡打龍潭必須

作用激動肝炁然後步飛龍吸水置入置

中行配依法用懸星指激龍潭所在却念

召龍呪訖喝云五方行雨龍王直季行雨

龍王今奉太上符命所指某處潭洞龍神

急速大降甘雨以濟焦枯不得時刻違滯

以此行持則無不驗矣

夾脊雙關入崑崙銜花白鹿走如雲取花騎

鹿踏雲去霍地牛車前面迎

此即三花聚頂五炁朝元法也存神畢候

息出入均調以舌先倒捲定舌根兩竅閉

息覺丹田火熾精神炁皆聚合却微做升

上脇腹其五方雲炁自尾間穴升上此穴名曰下關升之甚易故以羊車運之至夾脊名曰中關升之微難故以鹿車運之上至腦名曰上關非用力則不能透此關非假牛車大力則不能升此也故曰取花騎鹿踏雲去霍地牛車前面迎是也又名河車搬負正炁運我元陽故曰泝流一直上蓬萊散作甘泉過九垓從此丹田沾潤澤黃芽徧地一齊開今人行祈禱無此內功安得感應至此却須令人在門外防人衝突及猶犬驚觸仍於坐前橫一凡忽然覺真炁上衝身體漸大精神騰几漸見屋宇人物山河草木並不認為已物直須閉目閉炁發三昧火燒身恐入魔境凡行法有魔障者往往皆墮此境如手足皆不知所

在急以手按几上靜定少時此真境界現前也妙處言不能盡其意學人至此見內境方自知之

五方將吏九闕下金鐘玉磬何玲玲
以東魂之木西魄之金南城之火北津之

水中意之土是謂攢簇五行以含眼光凝耳韻調鼻息絨口炁是謂和合四象夫眼不視而魂在肝耳不聞而精在腎口不開而神在心鼻不息而魄在肺四肢不動而意在脾故曰五炁朝元以精化炁以炁化神以神化虛故曰三花聚頂五方將吏即精神魂魄意相與混融而為一自夾脊雙關而直上泥丸天門也天門九重故曰九關萬神守之人能搬運正炁至此則耳內聞笙簧鐘磬絲竹之音學人急當閉而凝韻恐亦墮於魔境也

入到泥丸朝元神即是先天金闕身
左眉上三寸為明堂宮又入一寸為流珠宮又入一寸為極真宮中自鼻而上至眉間入三寸為天皇宮又入一寸為玉帝宮

為上丹田右眉上入三寸為玄丹宮又一寸為洞房宮故正陽真人曰玉清上清太清大元大質者蓋大道有無之相生而立天地之基也以人身言之則三清者父母之精炁神聚而為胎也精血之為表炁神

之為裏如天地之清濁者焉人能以龍虎交媾而結內丹三百日而精炁生鍊就陽神始在黃庭之境次居內院之中終出天門之外此言為之三清也故老子曰不顧自家三清何勞上望於渺邈也今人飛章謁帝者但不過對本宣科而已安能有內鍊工夫而取報應於頃刻蓋飛章謁帝之道亦不離於豁落罡也始則步開乾罡以奉告於宗師次則步破巽罡以召將吏將吏既集然後步豁落罡以飛元神搬五炁而入泥丸入泥丸之道自黃赤二道而入黃赤二道者日月之道路也只在取用何謂剛風浩炁自家之息不能閉安能制伏外間剛風浩炁也告斗灌斗之法三天之下星辰居焉故左目為貪狼右目為巨門左鼻孔為樛存右鼻孔為文曲左耳為廉貞右耳為武曲口為破軍舌為左輔喉為右弼所以輔弼為喉舌之司此二神專管奏告於七星官府也所以行告斗之法取北方黑炁同罡炁衝激閉目定炁片餉念

灌斗呪然後則見外間之斗有無雲炁如何方可取晴雨之有無報應也行雷法之士不知此道何能運雷霆於掌上聚風雲於目前則知元神即金闕之身也須臾帝敕付太乙各付水火鍊其神

存五方將吏俱至泥丸朝見玉帝蒙付以一敕字於太乙官即明堂官是也付水火鍊神法念陰靈陰靈呪以左手飛南斗一座布地上化為火沼以劍訣畫離卦於斗口中次布五火字於三卦之五方念云東方青焰之風內藏三昧真火寅文南方赤焰之風內藏三昧真火卯文西方白焰之風內藏三昧真火辰文北方黑焰之風內藏三昧真火巳文中央黃焰之風內藏三昧真火午文存卦文如金光燦燦四方火炁炎炎再以劍訣虛書庚辛壬癸甲乙丙丁戊己取南方火炁呵在字上密念離貞九徧再念鬱離之精呪畢取左宮太陽炁呵布存為火府喝云謹請張使者引領五方樞機兩司雷神入于陽明烜赫之宮受鍊存

五方將吏各各入于火府受鍊存見炎炎烈火巨天巨地烜赫通明念真王有命呪畢以右手飛北斗一座布地上化為水池以劍訣畫坎卦於斗口中次布五水字於三卦之五方念云東方青溫之炁內藏真


一之水申文南方赤瀑之炁內藏真一之水酉文西方白沓之炁內藏真一之水戌文別北方玄溟之炁內藏真一之水亥文中央金母之炁內藏真一之水子文存卦文如金色瑩徹水炁瀾漫再以劍訣虛書庚辛壬癸甲乙丙丁戊己八字取此方水炁吹在字上密念坤坎十徧再念江河淮濟呪畢取右宮太陰炁吹布存為水府喝云謹請張使者引領五方樞機二司雷神入于重陰黑炁之宮濯質存見水炁濛濛巨天巨地泓澄瑩徹念五雷大神赫赫震鳴呪畢次存水火交鍊念南爛呪獲無呪各八徧作用既畢如欲行用即布斗步罡激發五方雷神如不行用之時即以黍米懸空法收歸身矣

如行飛用帝呪宣斗罡激發令衝天

如欲祈禱其妙用在罡炁激起斗杓衝起五方雷神將吏入於室中祈晴云翳開雲醫祈雨云布降甘霖却念雷神雷神受命于帝昇職于天風火之祖雨澤之源九醜

聚集六波臨軒祈晴云飛風迅速急召羣仙祈雨云傾河倒海齊召斗仙下濟道法神印自然大震霹靂連至壇前五清口敕存三天內諱雷靈雷三字三官急傳五方真炁存見合明天帝日五字雷公速起至此便起身存空中雷神與己身雷神合而為一存斗星光芒下應在地次見五星光芒照徹己身却步五步罡祈晴用水火金木土祈雨用木火土金水次步第二罡祈晴云風雲雷電雨又步第三罡云天神龍

水杜步第三罡畢急轉身步三才罡回入斗口中





右步罡訖回身入斗口中以雙手握雷局
振起打發罡斗直射傳音方上却念吾奉
帝敕敕召五雷呪

故步罡訣曰巫步多禹步少惟五步能合

五行久久升舉者是也大率步多以五步
推五行之妙法次則步風雲雷雨電以混

之後以天神龍水社激起步罡之妙無踰
此者譬如犬之伏蛇進五步退七步及至

蛇伏然後害之猫之伏鼠亦如之八門遁

甲隱身遁形之道也物尚如此人胡不然

哀哉

如不行持用懸珠再歸天目入虛无帝旨傳

宣歸五藏黍珠勃勃入無餘

如每日無事不行用鍊將至此鍊度將吏

畢却念歸心呪取金光炁布五方將吏畢

却誦經呪回向吸引五方將吏自百花橋

話直上泥丸朝謁玉帝以指書一〇字密

念雷穴風錐呪二十句每句一筆存玉帝

懸此一玉字如黍珠在空玄中諸司將吏

俱入黍珠之中猛用津液嚥下歸於中丹

田靜坐片時

却念歸雷真呪訣十二闌干無限月又如春

睡方騰騰妙處豈容人會得

次默念歸雷呪歸魂呪存諸雷神將吏悉

歸虛无矣學人修鍊至此泥丸風生絳宮

月皎丹田火熾慈海波澄夾脊如車輪之

轉四肢如山石之重毛竅如浴之方起骨

脉如睡之正酣精神如夫婦之歡合魂魄

如子女之留戀此乃真境界也以法度鍊

之則聚而不散以斤兩鍊之則結而愈堅

魂藏魄滅精結神凝一意沖和肌膚爽透

隨日隨時漸凝漸結無質生質結成聖胎

矣至此妙處他人安得而知會耶學人如

見而前白光如鏡大急收光念玉華帝子

呪畢而韜光隱跡焉

若能依法去行持萬萬之中無一失

古人但云鍊將而不自知所以鍊此皆雷

法玄妙難明至於道至於法二者相為表

裏學人若能依此上法行持則萬無一失

矣

變神呪

晶澆離火赤三陽現五明萬神聞吾召分身

速現形天皇真人速降真身疾

召使者呪

斬勘雷公盟威青童巽官布令運神歸東叱

咤一怒山石奔洪橫身鼓舞四日老翁擒龍

掣電威蓋九重巽官使者剛輪運風太華典

者機先禦兇山雷文通拔樹摧鋒壬癸雷壓

斬妖擒龍土雷陳碩伐惡威雄周天大火炎

炎烈烘何神不伏何鬼不從逆吾者死順吾

者豐北靈黑歷九醜紫童風伯雨師社雷飲

虹太乙符命萬鬼無蹤五方使者來往如風

連臨壇下大逞神通聞吾一召速出巽官急

急如神霄真王勅太乙元君令

玉清命今勅爾眾神雷震大將欵火飛神然

五雷猛吏漢臣威光雷公赫衝風伯道

彰已雨師何清電母文英雷使者東

方魔明南方烈然巨光大神西方赫猛

火猪之精西北方焜電黑犬之神于中央使

者惡轟大神中歷赫炎烈嘯黑傾雲九州社
令大布威靈飛天火帥統攝天丁黑雲駭
百萬步兵欽承天令收攝邪精翻天覆地雷
電轟轟上徹太極下至幽冥神光電目子細
搜尋千千截首萬萬剪形敢不從命粉骨碎
身吾奉

玉清真王勅攝

五雷使者號雷公靈神威猛大英雄韜藏山
林入古廟或効死而立大功興雲致雨於頃
刻乘雲駕霧斬蛟龍吾今召汝降壇所分明
報應起雷風急急如

九天雷祖大帝律令

高元紫闕中有五神寶耀敕輝放光衝門精
氣積生化為老人青巾素容赤帔絳裙左帶
流鈴右帶虎兵手把天罡散形飛神足躡華
蓋吐芒鍊身三景保守令我修真養魂制魄
乘風飛仙

五星開通六合紫房回光隱遁豁落七星玄
文變一成神生魂急急如律令

赤鴉咒

赤鴉赤鴉風火之車雷中烏鬼雲外夜叉受
命黑衝稟令丹霞速來報應呼風啞啞霞霞
霞霞丫丫伽伽屈律巴急急霹靂多毗肩伽伽
華又役律巴瓜瓜啞啞急急瓜瓜丫丫啞一
如祖師子華真君所告

三段咒

唵吽吽三檀那乾爽利亥兌卦統雄兵百良
宮封鬼戶寅離宮駕火輪午坎水湧波津子
人門撼地軸甲震雷霹靂聲卯狂風摧山嶽
已諸將護吾身抽本令訣沈天斷鬼神叱咄
飛捷張元伯速降靈太虛真太靈真吾是
紫微君勅召雷部神神速奔乘飛雲如康民
雷轟電掣到壇庭吾是總統大將軍吾奉
雷霆上相都司律令
天清地寧日月交并直符使者速現真形飛
捷那叱吽吽唵唵熱攝

混合咒

太上符命降付黃庭中理五炁混合萬神元
君主算司命定生南昌火府鍊魄成形陽魂
離質飛騰上清三尸速滅妖魔滅形精邪蕩

散元亨利貞吞服符命道炁常存五雲立運
日月光明照耀三界內觀其真急急如
太上老君律令

樞機二臺總咒

律令大神風火之尊雙臂巨翅飛走乾坤斬
妖吞孽縛鬼收魂致雨倏忽作晴二十頃分震風
激電作水持雲持上帝救主火雷君霹靂一
震萬里聲聞雷公電母黑暗驚奔左召烏利
右命黑靈疾速來降焚滅邪精隨咒所召急
降冥門急急如

神霄玉清真王律令

鼓動風雷使飛雷掣電祛邪斬精怪威烈
震乾坤隨符速報應速霹靂鳴霹靂攝霹
靂滅急急如
神霄玉清真王律令

天罡咒

天帝釋帝部帶天罡五方兇惡之氣何不伏
藏飛光一吸萬鬼滅亡天罡歛吸攝歛吸天
罡攝

日君咒

日魂朱景照綠映回霞赤童玄炎應象奔
風鬱儀赤明炳煥

月君呪

月魄靄蕭芬灑翳寒婉虛靈蘭鬱華結翹薄
金清瑩夏容臺標

召五方雷神呪

東方雷神魔明使者柳星之精日月分華助
我神威太上皓伯闕五龍圭太乙任使洞照
光輝玉清勅下火急奉行謹召

東方變雷魔明大神速起

天地水中金角亢化血生須臾立便至隨召
現崢嶸急急如

東極雷霆都司帝君律令謹召東方風雷使
者蔣剛輪速至唵嚩囉呢嚩薩婆訶

南方雷神烈煞使者炬火大神天罡大聖三
兵陽精玉府上真炎帝火輪雷風急鳴燒鬼
滅形玉清勅下火急奉行謹召

南方變雷烈煞大神速起

天精地靈移毒攝精雷霆勅攝井鬼柳星張
翼軫諸神來佐助急速現真形急急如

南極雷霆都司帝君律令謹召南方火雷使
者壁機先速至唵啞囉囉囉薩婆訶

西方雷神赫猛使者火猪之精銅頭鐵額五
目五睛橫行三界吞服魔精九帝節鉞四天
遊行神威到處魔道昏傾玉清勅下火急奉

行謹召西方變雷赫猛大神速起

庚辛金炁戊己真形奎婁胃昂畢觜參星請
助我真急攝邪精急急如

西極雷霆都司帝君律令謹召西方金雷使
者華文通速至唵囉呢嚩薩婆訶

北方雷神焜電使者黑犬大神九天煞炁四
極晶英內纏玄炁外守帥兵左威右領風伐
火征勅斬萬怪滅滅干精玉清勅下火急奉

行謹召北方變雷焜電大神速起

壬癸坎水玄武冥靈斗牛女虛危室壁星雷
霆勅攝速現真形祛除早魃掃滅邪精興雲
致雨救濟群生急急如

北極雷霆都司帝君律令謹召北方水雷使
者雷壓速至唵嚩囉囉囉薩婆訶

中央雷神惡轟使者火猪之精威刃天魔四

目九醜魁魁魁六目蓬草井鬼呬宿叱喇
咭魁急急火光一如律令謹召

中央變雷惡轟大神速起

山海同其緯五緯全其炁五行俱合順聞呼
疾速至魁魁魁魁魁魁魁魁魁魁魁魁魁魁
妖氛急急如

中央雷霆都司帝君律令謹召中央土雷使

者陳碩速至唵啞囉囉囉薩婆訶

五雷混合呪

青帝之中甲乙日默念東方甲乙木神風雷
坎子木部降炁入于册中存青中

赤帝之憤丙丁日默念南方丙丁火神火雷
坎子火部降炁入于心中心存赤憤

白帝之衣庚辛日默念西方庚辛金神金雷
坎子金部降炁入于肺中心存白衣

黑帝之勒壬癸日默念北方壬癸水神水雷
坎子水部降炁入于腎中心存黑勒

黃帝之纓戊己日默念中央戊己土神土雷
坎子土部降炁入于脾中心存黃纓

動為霹靂火急奔馳電火炬赫興雲駕霧摧
山挫石社令推車岳靈拱揖鬼天神愁天昏
地黑五方之炁聚而為一存五色之日月薄
蝕陰陽反側杳杳冥冥昏昏默默金木水火
土星為極存五星光陰陽之神生殺萬物吾

佩雷印奉帝之勅勅召雷神變化動息符到
奉行萬里急急一如

神霄玉清真王勅太乙元君令急急召五方雷
神將吏速入雷城點兵集將不得有違急急
如律令存雷神俱入
心中點視訖

神霄玉府雷霆之所掌握萬化陰陽之主太
玄皓師降行時兩上清仙伯起風運土韓伯
祛電元君吐霧使者掌水龍雷仗固謝仙舉
火木郎排戶衛車將軍玉光童子六甲將軍
六丁玉女閃爍真威霹靂大斧天中穢皇五
雷之祖令下無邊聲振寰宇青炁騰雲赤炁
焦暑白炁肅霜黑炁雪聚中黃之炁隨時而
舉太華之神為吾所使我上有朱雀下有玄
武左有青龍右有白虎身佩雷印驅發雷鼓
急急速速邵陽鼓舞急急如

神霄玉清真王律令
景中真主威鎮九天手捧三素存三天
內神足躡
九玄密落金虎閉日飛龍送乾黃神秉錢綠
齒揚鞭機行五斗平調七元三天力士殺鬼
萬千敢有魑魅來現吾前刀劍合擊火炬交

然萬劫晝夜考伐窮源鬼形消滅人壽長年
急急如

神霄玉清真王律令

呪畢存想諸司將吏入神霄府面禮真王
訖蒙真王付以九天心呪轄之

神霄清微天轄呪又名玉清
二十八

唵嘽吒嚩唎吒勅攝

紫霄太玄天轄呪又名雙閣
化真宮呪

唵唵噓嘽勑攝

太霄始青天轄呪又名流光
素雷宮呪

唵唵噓味吒勑攝

青霄青元天轄呪又名元真
寶曜宮呪

唵嘽唎唎吒勑攝

碧霄始分天轄呪又名靈關
侍道宮呪

唵嘽唎唎噴吒勑攝

絳霄太丹天轄呪又名運化
道平宮呪

唵嘽哆吒唎吒勑攝

景霄始素天轄呪又名至妙
變空宮呪

唵嘽唎嘽吒勑攝

玉霄太素天轄呪又名成德
耀星宮呪

唵嘽唎唎噓轟火雷大震攝

琅霄始玄天轄呪又名元關
濟濟宮呪

唵嘽嘽嘽噓噓轟攝

右皆真王所付心呪諸司雷神拱手聽令

混合五雷呪

都天雷公呼雷震風青雷赤炁上遊上穹赤
雷黃炁運神歸中黃雷白炁洞按九宮白雷
黑炁下遊北鄴黑雷青炁運神歸東與人俱
合與道俱通

鍊度雷神呪

陰靈陰靈天昏地驚神通廣大食日吞星三
清炁滿五帝清靈總領三界提點雷霆九州
社令役使搜尋五湖四海十二溪真山川分
野名山洞真泉源地府九地九靈上朝
玉帝下救皇民三天之下五嶽大神四瀆水
府一一呼名當吾者死避吾者生玉帝有勅
鍊度雷神急急如
玉皇上帝律令勑 後兩句改換云
除邪輔正救護群生平常驅除旱魃大布甘
霖祈雨掃除雲翳擁出日輪祈晴箕伯使者

大布風雲用 轟天霹靂萬里震驚用 千裁首萬萬剪形用

取太陽真炁密呪

鬱離之精使陽驅陰玉清有詔日生火輪急急如律令

真王有命錄度雷霆以呪為信敢有不遵隨機應化立起風雲急急如

神霄玉清真王律令

取太陰真炁密呪

江河淮濟四海傾覆敢有不遵八威吐毒急急如律令

五雷大神赫赫震鳴降炁入腹助吾威神叱咄一布雷霆應聲急急如

神霄玉清真王律令

雷神雷神受命于帝卑職于天風火之祖雨澤之源九醜聚集六波臨軒用 飛風迅速

急召群仙用 傾河倒海齊召斗仙下濟道法神印自然大震霹靂速至壇前五清口勅

存三天 內神 三官急傳五方真炁雷公速起急急如律令

吾奉帝勅召五雷雲奔電掣助吾行威誅剪妖孽摧魔伐非神光所照萬惡皆摧流鈴急召雷火轟飛吡吡吡吡四目老醜準令急至不得違時急急如

神霄玉清真王勅太乙元君令

歸心呪

五帝降命錄度雷霆威震霹靂邪鬼滅形金光交射五炁騰騰行事既畢隨吸歸心陰陽混合我得長生嘖吡吡吡吡吡吡神急急如玉皇上帝律令勅

歸身呪

雷穴風雖乘天演威左奔赤龍右控玄龜惠帝憂天武卿迅馳鐵城紫洞然合坎離芒角森藏龍藥又持真炁鬱合陰陽應機曷仰標轉南北東西陽谷龍臺火府河魁真王玄帝億萬神雷王音所召速令急急急急如玉皇上帝律令

歸雷呪

天雷神將化身千真普為天地掃蕩妖氛回光萬里一吸天津除邪輔正其德非輕上帝

有勅各注仙名天神歸天地神歸地後召復來一如故事

歸魂呪

天魂地魄日月交接神歸絳宮炁返玉海一如天罡大聖律令

收光呪

玉華帝子太乙真人靈根握固與我同生神光急收魔道摧傾急急如太上老君律令念畢而轉光陰班馬

大師遺訓

師曰凡求仙慕道之士不鍊內丹形還敗壞不積功行難達玄境不濟疾苦道果難成不漱華池神不清悅欲求仙道功行為先必資治病祛邪祈晴禱雨濟人利物廣積陰功精勤香火正直無私何慮不獲超升但恐今人未能精思內鍊所學膚淺符呪不真訣法謬誤吾甚憫焉

惟一今以大師奧旨混合秘訣玉樞斬勘玄文留傳於人內則超出三界外則救濟萬靈祈禱雨暘消弭災禍制蛟蜃救危篤

斬妖精致風雨於目前運雷霆於掌上解
九玄七祖之罪消千生萬劫之愆得之者
固守遇之者風緣若能乘飛行持則三界
鬼神拱手聽命於斯妙旨固實難言勿示
非人切宜謹慎

師曰夫有道則有法有法則道必先之若有
道法必隨之道與法未嘗相離也故行雷法
者人能常清靜天地悉皆歸人能遣其慾而
心自靜澄其心而神自清若人勤而行之何
患不登仙道矣

夫人居十二時中放下一念於四大時時
行此導養之術法以左手摩臍四十九匝
右手亦然以助真火也却以左手擦右足
心右手擦左足心此乃心火所住之地若
湧泉暖則心火自降次以兩手摩腰腎脬
四十九匝此乃神水所注之源腎脬暖則
神水自升外吸清氣遂即嚙下嚙嚙有聲
送歸元宮也

余幼膺著裳妙傳星學遊於江湖間就參道
法至於名山靈洞尤喜遊覽一日到青城山
念念欲一至思真洞一觀而無暇時因凌晨
作意一往至日中猶未及半因倦卧於樹陰
中夢一道士身披紅服與樵對談因言及道

法之奧夢中歷歷備述以百中經書之紙盡
又以槲葉書之道士臨別曰吾乃火師也有
雷書藏於朱陵西洞已三百年矣上天將發
其旨與汝可經遊至彼千萬一往受此靈文
幸毋忽也汝前生是雷判所以今生吾親授
汝秘訣珍重珍重余遂夢覺而日已西矣但
見炎炎烈火發於樹中遂下山至庵視之夢
中所書之文燦然槲葉亦在於是將紙騰錄
夢中所書者恐靈文易於變化也遂下山出
蜀至南岳遊觀焉因思西洞之語忽一日到
一石洞見石案上有黃卷書三卷中已半開
而二卷牢不可開余再拜具述情懇檢而視
之則此雷書也既得此一卷書即出洞騰錄
訖再拜送歸洞天偶因暇日凝坐之時則開
乾閉巽留坤塞艮據天罡持斗柄謁軒轅過

扶桑入廣寒之鷄尾舉黃童泛海槎登崑崙
佩唐符撼天雷神哉偉歟故將所得之秘註
解真君與音開悟後學與有志於斯文者共
之凡妙道秘訣古仙上聖口口相傳不立文
字吾今於是書而錄之上士得之心同太虛
中士得之身同枯木下士得之身心營營第
恐傳非其人而犯泄天寶之戒云耳宋崇寧
三年癸未良月

上清三景法師朱惟一執中謹識
道法會元卷之七十六